

Teknikimik Ilinniarfik, Sisimiuniittoq, sanaartornerup iluani ilinniakkanik aqutsisussamik pissarsiorpoq

Sanaartornerup iluani nutaajunerusunut illuaqqajaasuut? Aqutsisuut pikkorrisoq maligassiuisorlu? Teknikimik Ilinniarfimmi (KTI) sanaartornerup iluani ilinniakkat inuussutissarsiornikkut pisariaqartitanut naapertuunnissaannut qulakkeerinneqataarusuppit, aaqqissusseqataalluarnikkut sanaartornermik ilinniakkat sammivississallugit, sanaartortitsivinni misilittakkat ilinniartitsinermi atorluarsinnaanissaat aqutissiuutissallugu, kiisalu ilinniartitseriaatsit tulluarsassallugit inuussutissarsiorlut qanimut sulerqatiginninnerput aallaavigalugu.

Qulaaniittunut apeqqutitut angersinnaaguut KTI- Teknikimik Ilinniarfimmi Sisimiuni sanaartornerup iluani ilinniartitsinermi illiusinnaavoq pisortassarput nutaaq.

Ilinniartitaanermi pisortassarput nutaaq aqutsinikkut pitsaasumik misilittagaqartuussaaq, kiisalu inuussutissarsiuutitigut ilinniartitaanernut ilisimasaqartuullunilu soqutigisaqartuussaaq, pitsaaqqutaassaaq sanaartornerup iluani misilittagaqarpat.

Aqutsinikkut akisussaaffiit suliassallu

- Inatsisit atuuttut najoqqutassallu malillugit KTI-p sanaartornermik iluani ilinniakkanik pilersarusiorneq, ingerlatsineq, ineriartortitsineq pitsaassusaanillu qulakkeerinnineq.
- Sanaartornerup iluani piginnaasatigut pisariaqartitaanut ilinniartitaanerup imarisai naapertuunnissaannut akisussaasuuneq.
- Qulakkiissallugu ilinniartitsinissami pilersarusiornermi atugassarititaasunik atorluaasinnaaneq.
- Ilinniartitaanermi suliniutit ataqatigiinnerusumik tamakkiisumillu isiginninnerusumik qulakkeerinninnissaq, aqutsisunik allanik qanimut suleqateqarnikkut.
- Ilinniartitsinikkut ilinniartitaanermilu orniginartumik kajumissaasumillu avatangiisimik pilersitsinikkut ilinniarfinni assigiingitsuni atuartunik kajumissitsinissamut attatsitsinissamullu peqataaneq.
- KTI-p ataatsimoortillugu missingersuutaa eqqarsaatigalugu nammineq suliassaqarfigisami missingersuummik aningaasaqarnermillu pilersarusiorneq ingerlatsinerlu.
- Piffissaq tamaat ilinniarfinni qulaaluani akisussaasuuneq, taakkunani pingasut inuussutissarsiorluni ilinniakkani tallimallu ilinniakkani sivikinnerusuni, kiisalu inuussutissarsiornermut pikkorissaqqinnissanik neqeroorumi.
- Siulersuisunut Namminersorlutillu Oqartussanut paasisutissat assigiingitsut pillugit uppersaatinut tapersiineq.

Ilinniarfiit pillugit paasisaqarnerusinnaavutit uani www.kti.gl.

KTI suliffeqarfik qanimut sulerqatigalugu pilersarusiorneqartunik pikkorissartitsinermi isertitanillu matussusigaasumi suliffeqarfimmi sammisassaqtitsivoq. Teknologikkut ineriartorneq aallaavigalugu pikkorissartitsinerit malinnaatinneqarnissaat, kiisalu sanaartornerup iluani ilinniartitaanermi pisariaqartitat qulaajassallugit annertussusilerlugillu, taassuma iluani inuussutissarsiorlut peqatigilluinnarlugit.

Ilinniartitaanermi pisortatut aqussavitit ilinniartitsisut (massakkorpiaq) 14-t, suliassanut ilaalluni suliassat ataatsimut isigalugit kivinneqarnissaat, ilinniartitsisullu ataasiakkaat suliassaat.

aamma maskinmesterinngorniarluni ilinniarfik pillugu Maskinmesterskolen Københavnimik ingerlatsinermik suleqateqarpoq.

Tamatuma saniatigut Sisimiuni inissisimasuni 350-inik inissianik ingerlatsinermik akisussaaffeqarpoq.

Isumaqatigiissuteqarnikkut atorfinitsitsisoqarnissaa kissaatigineqarpoq.

Qanorluunniit ukioqaraluaaraanni, suaassuseqaraluaaraanni, ammip qalipaateqaraluaaraanni, upperisaqaraluaaraanni immikkut inuiaassuseqaraluaaraanni kikkut tamarmik soqutiginnittut piginnaassutsinik pisariaqartunik naammassinnittut qinnuteqarnissaminnut kaammattorneqarput. Atorfik pillugu paasisaqarnerorusukkuit Pisortap tullersortaanut Finn Ommestrup oqarasuaataanut +299 527388 / mail: fimo@kti.gl-imut imaluunniit aqutsisumut Jokum Møller oqarasuaataanut +299 527188 / mail: jomo@kti.gl-imut attaveqarnissannut tikilluaqqusaavutit.

Imatut qinnuteqassaait – qinnuteqarfissaq ulloq kingulleq 17.09.2023

Qinnuteqaait, CV, ilinniarsimasanut pikkorissaatigisimasanullu uppersaait kiisalu paasisutissat allat pisariaqarsinnaasut "qinnuteqaat nassiuguk" toorlugu nassiutikkitt -

<https://naalakkersuisut.emply.net/recruitment/vacancyAd.aspx?publishingId=4fa37d14-38a7-485e-a9af-1bc808b52522&languageKey=da-DK>

E-mail-ikkut qinnuteqaatinik tigusineq ajorpugut.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Najugaq

Atorfimmut atatillugu malittarisassat qaqugukkulluunniit atuuttut naapertorlugit sulisunut inissiamik pequsersorlutaanngitsumik innersuussisoqarsinnaavoq. Inissamik innersuussisoqarsinnaanngilaq, pineqartoq atorfimmut atatillugu ineqareersuppatt, imaluunniit ineqarsimappat kommunep inaataanik Namminersorlutillu oqartussalluunniit inaataanik. Malittarisassat qaqugukkulluunniit atuuttut naapertorlugit inissiamut innersuussutigineqartumut akiliutit qularnaveeqqutillu akilerneqassapput. Atorfimmut atatillugu ini atorfeqarnermut tunngavoq atorfeqarnerullu unitsinnerani qimanneqassalluni.

Ineqarnermut akiliut aamma inissiap pitsaassusaa nikerarsinnaapput inissiap qanga sananeqarsimanera, piginnittua il.il apequtaallutik. Sulisutut ataavartumik initaarnissaq utaqqinarsinnaavoq, taamaattumik utaqqiisaagallartumik inissiisoqarsinnaasarpog, tassunga ilanngullugu najugaqatigiiffinnut minnerusunut imaluunniit akunnittarfimmi inissianut inissiisoqarallarsinnaalluni, taakkulu akileraarusersorneqassallutik. Sulisunut inissiani utaqqiisaasumiklluunniit inigisani angisuunik uummasuuteqarsinnaaneq soorlu qimmeqarsinnaaneq qitsuuteqarsinnaanerluunniit periarfissaqanngilaq